

寄蒲城陸德甫

休言在俗做修行休說家中非火坑對鏡心迷難養氣逢魔意
亂怎收精願君開悟除三毒學我澄清屏七情拂袖超然離苦
海雲朋霞友論長生

耀州劉公夢海蟾學修行以詩贈之

海蟾入夢化劉仙遣汝投予學妙玄有說甯知無說法無言怎
悟有言傳能持清淨無爲理便達精微造化權天地悉歸金玉
鼎神丹結正性團圓

又

彭城何事不迷昏得遇來投清淨門便認陰符三百字好搜道

道藏輯要

洞玄金玉集

堯

胃集六
川川一

德五千言就中得一通三妙而裏通三得一軒莫使黑雲爲障
閉自然返老復歸元

和三水縣王知觀

看看相近下坡年悟取賢家本是仙早訪林泉捐俗累速離宮
觀棄塵緣無爲性上通玄妙清淨心中達妙玄功行周圍蓬島
去侍香鍾呂太原前

和司公周監使

物外逍遙任自然終南山下闢良緣怎知我得無無趣勸化人
離種種邊坦蕩觀瞻壺內景殷勤修補洞中天功圓行滿乘雲
去同禮重陽風害仙